



391881

391915

BIBLIOTHECA
UNIV. JAGELL.
CRACOVENSIS

III

2144 W.J.D.



391881

391915

Mag. St. Dr. III



Ex-Libris
PODHORCE

ADRIAN

671

21441
III



ADEO DATUS

Orthodoxo Septemtrioni,

HIERARCHIA

Maieſtati

SUCCOLLATOR.

Regni Comitijſ

ORACULUM.

Ceſſiſſimus & Reverendiſſimus Dominus

D. THEODORUS

à POTOK

POTOCKI,

DEI & Apoſtolice Sedis Gratià

ARCHIEPISCOPUS Gneſnenſis;

Legatus Natus

PRIMAS

primuſq; PRINCEPS

ABBAS Tyneceſis:

*à Deſignatiſſimo, PROTECTORI Polonæ Lithuanæq; Provinciæ
Varſavienſi Scholarum Piarum Collegio.*

SEIPSO

In Votivum Ligamen


Feſto Sui Indigetis Die

DONATUS.

1724.

VARSAVIÆ Typis S. R. M. Scholarum Piarum.


In Semitrinam Crucem
CELSISSIMI PRIMATIS
 Augustæq; Domûs
POTOCCIANÆ.



*Forsitan ad numerum revocare Polonia cæpit,
 Quæ Domus ista Sago, gesserit atq; Toga.
 Iamq; duas Ceris Decades impressit avitis,
 Unde quidem geminam conspicias esse Crucem.
 Utq; novam cæpit: quis finis habebitur? inquit:
 Et stetit in media nonnisi parte Crucis.
 Millenas etiam Decades si scripsero, frustra est!
 Plura mihi PRIMAS Ipse trophæa tulit.*

Ad
CELSISSIMUM
PRIMATEM

Primumq;
PRINCIPEM
Protectorem Gratiosissimum.

 Voniam *Celsissime Princeps* ipso sacro
Augusti *Tui* Nominis sonante ethy-
mo, audis & revera es à DEO Da-
tus; non ad publica tantum sed eti-
am privatorum solatia benignè intellge *Te* à
DEO Datum. Habet jam in Celsitudine Ve-
stra suum Serenissima Majestas Regni totq;
Provinciarum Com-Bajulum, Ecclesia Sanctis-
simum Assertorē & orthodoxi Septemtrionis
arbitrum, Resp: Patrem Patriæ, Senatus Nu-
men Consilij, Fortunæ Civium Tutelarē, Or-
bis Sarmàticus Vice Regem; verum tamen in
Te humani Generis felicitati tradito, nondum
sibi mundoq; satisfecisse Divina videretur li-
beralitas, si *Te* non ita mortaliū votis conces-

sisset, ut etiam vel infimos aliqua *Tui* beasset
parte. Et facit Mitissime Principū *Tua* boni-
tas, ac innata placidi Pectoris dignatio, quod
nec nostræ Gregis pusilli forti deesse patiaris :
quib⁹ cum accepta, acceptataq; *Protectoris* su-
per nos invocatione & titulo, Cor Tuū Pater-
nū & largā promissæ Protectionis testificatio-
nem in Pignus Primatialis Gratiæ tradidisti
Beatā terq; quaterq; ! tanto *Protectore* minimā
Religionem nostrā sibi à DEO Dato. Quæ to-
ta Principib⁹ Tuis adgeniculata plātis iterum
se *Primatiali* Tuæ Maiestati devovet, reddit,
& cum tota viriū ac posse sui provincia se ad
Hierarchici Tui Honoris aras imolat. Et quia
nec pares gratias, multo minus suppar munus
Celsitudini Vestræ votiva pauperies nostra of-
ferre valet, pro Te *Protectore*, Te vicissim
Donum DEI in sacris Tuis deponit manibus.
De suo vota duntaxat adiicit : annos in sæcu-
lorum seriem, felix tranquillūq; Imperium,
felicitates quæ tantum possunt à DEO Dari,
& quidquid adhuc supra Primatem Mytram
est, apprecando.


Primatiali Celsitudini Vestræ.

Devotissimum Varsoviense
Scholarum Piarum Collegium.



I.

Polonia in Celsissimo A DEO
DATO PRIMATE, Primoq;
PRINCIPE totam Comit-
orum Majestatem reclinat.



*Reſtae ditionis Apex! Cui Curia
Patrum,
Religio, Rex, Lex, Fortuna, Po-
tentia, Regnum*

*Incubat! infusas Animâ Tu Principe Moles
B Exci-*

Nihil crebrius in
aulis Procerum
hac ætate audit,
quam quod tota
Regni felicitas
modo innitatur,
DEO, REGI,
POTOCCHIIS.

Quos & à sæculis
in nullo prorsus
discrimine Patriæ
defuisse omnium
annal perhibent.

Quantum & nunc
Dexteritati Celi-
stissimi Primatis si
dat Resp. tota.

Regum Caput est
Prudentia, man-
us Justitia & Clemē-
tia, oculi consiliū,
pectus amor Ci-
vium, Tympanum.

*Excipe ! novit enim Cui nixa sit ante lacerto
Patria, cumq; suis prope colluctata ruinis
Quo toties Athlante stetit. Quis nāq; (ruinā
Orbis Hyperborei quoties expavim⁹) ægris
Imperij rebus, primus submitit opemq;
Fulcimenq; ? potens dubijs obsistere Fatis ?
Quā Vester Pilava ! Basis firmissima mūdi
Casuræ cert⁹ Lechiæ Stator, Ara salutis !
Semper in ambiguae patuit discrimine sortis
Lechiæq; statū momentis, quanta potestis
Potocij ! nullum latet hæc res, scitur ubiq;
Indubie sceptris quoq; suffectura ferendis
Potociæ Vis Gētis. Vt & TVA cognita toti
Dexteritas Patriæ, tātisq; probata trophæis
Creditur Ausonijs etiā neq; Fascibus impar,
Hac mūdū quoq; posse regi. mēs nō nisi regnis
Tractādis est apta Tibi. Facileq; regēdo (isto
Orbianimā Rex Sacre geris quippe illa sub
Pectore dona latēt, quib⁹ uti in Regib⁹ ipsis
Formandis natura solet: Prudentia Legū
Lux; æqui, jurisq; sciēs Solertia; Patrem
Effingens cunctis Pietas; idæa futuri
Consilium; cujusq; fere tractabilis usus
Fortunæ, rerumq; potens; Interrita quovis
Obi.*

Obijce, vel Fato Virtus. Neq; posset onusta
Cujusvis man^o hac sub mole fatiscere sceptri,
Iura potens versare Deum. Si defluns Orbis
Herculeæ Cervicis Onus, vel pondere toto
Sidat in his Humeris; vix possent scilicet ista
Telluris sentire pilam. Conferte Coronas
Insimul, & gratae meritis date præmia gētes
Ac Vaticanos etiam sociate Tyaras!

Gradia cum pileis Regum sine simplice sensu
Excipiet placide caput hoc immobile regna,
Tranquillaq; Man^o hac instrumēta capessēt,
Regnari quib^o orbis eget. licet ardua regni est
Conditio, par esse potest. Sunt scilicet aptæ
Ingenti Vires Oneri. Re longus in omni
Selectis uti medijs exercuit usus;

Edocuit tantis assvescere Fascibus idem
Et Civi miscere Patrem. Totiesq; probata
(Atq; domi vicibus geminis exercita quodā)
Regnandi facilem tulit experientia cursum.
Iam nec habēt hac summa metum. Nihil

(anxius Ipse
Dividit his Animū curis, & magna capaci
Mente quietus agit, ventura negotia secum
Cognoscit prius ipse silens, dein ocijus omnes

B2

Fortu-

Remp. jam a
plius, quā a qu
draginta a
gloriosissimo
stat Cellis.

Magnus Vic
Rex! regnatric
hæres familia: n
Illius prope Sero
nis. Avus Steph
nus Palatinus Bra
clavien: à Sigism
Regē per Diplo
ma Regiū in Vi
cc-Regē Poloniæ
tempore seditio
nis evehus est
Andreas vero Ca
stellanus Cracovi
ensis Parens Illu
strissimi Palat. Ki
joviens à Ioanne
III. Regē Vien
nam abeunte in
Vicc-Regia Ma
jest. Regens Po
loniæ relictus est.

*Fortunæ, fatigq; vias, momentaq; rerum
Discernit, statuitq; modū. Quo Principe niti
Vna salus Lechiæ, sub quo confinia mites
Regna metent oleas, qui Pacis amabile sydus
Irarū cicurem post bella reducet in arcton,
Sedabit toto motas Aquilone procellas,
Demet & iratis Olim sua fulmina Divis.*

II.

*Prius meritis in Remp. quàm
Curuli PRIMAS.*

*Heroum vulgare decus, commune fidelis
Iustitiæ Munus, nisi post accepta mereri
Præmia. Cū multis prævenit Patria donis
Obsequij primum tunc velle rependere censu
Nec tituli pretium, nec magni gloria facti.
Et solvisse quidem, sed non meruisse putandus
Qui nisi post sumptū nō ante meretur honorē.
At Vos lege licet Naturæ, fascibus ipsis (plex
Nascimini, volvatq; statim se Purpura sup-
Ad Cunas, Sacri quos nunc Decora alta
(PILAVÆ*

*Orbis amat; majora tamē Suffragia, quā sit
Sāgvis, ad Augustos magni portatis Honores*

Poto-

N
au
h
q
R
n
I
I

nte Honoris fa-
es mereri pra-
it,

la, mereri P.O.
LOCCIANUM
ita omnes su-
cilitas, & nunc
magnis curuli-
us ac munijs ado-
mereri studu-
era. P.O.CCII.
h. i. i. i. i. i. STE-
FANUS Rele-
renarius Regni
mocen⁹ Comiti-
um Regni Ma-
techalens. Il-
lustr. PETRUS
Palatinus Czernic-

Poto
Step
Impl
Sarm
Vof
Em
Fec
Vob
Hof
Nec
Ter
(Te
At
Fad
Te V
Fasc
Prim
Aug
May
Et ge
Nam
Sudo
Vult
Et F

Potocij! Columen prius, ac es Scipio Regni
 Stephane, quippe tuā quā tant' scipio dextrā
 Impleret, quo vota Patrū partire, Te ipsum
 Sarmatiae primū monstrans hoc Indice Solē.
 Vosq; Palatinis quos nostra curulibus ætas
 Eminuisse videt, prius huc meliore decoros
 Fecistis virtute gradus, splendentq; politi
 Vobis ense Sacro fasces, pulchrèq; per armos
 Hostili tinctus rutilescit sanguine murex.
 Nec gratis alij titulis Castrensibus Hæmum
 Terretis, magno quibus ante labore litatū est
 (Testis adhuc mund') Patriæ, Regiq; Deoq;
 At Tu vero Tuū quibus anticiparis Honorē
 Factis! & quā Te Rex Sacre paraveris illi!
 Te Virtus meritis dedit eminuisse, priusquam
 Fascibus Imperij magnis, Regniq; curuli
 Principe, rectorisq; orbem donaret habenis
 Augustus, Latioq; Potens Tarpeia sceptro
 Majestas, seseq; Tibi submitteret Arctos,
 Et geminæ Primo gauderēt Principe Gētes.
 Nam Fortuna licet fuit hoc jã Murice pridē
 Sudores tersura Tuos, gavisā beati
 Vultūs gemmarum pretio miscere pruinam
 Et Frōtis liquidas adamantib' addere guttas;

C

Tu

chovien. Uteri
 Fratres Celsi
 Illustris. STEPH
 Palat. Beiz. 11
 JOSEPHUS
 latinus Kijov
 Marechalco. T
 bun. Reg. Ill
 MICHAEL N
 tarius Reg. Cam
 Illustrissim. ST
 NISLAUSExc
 biar. Præf
 in M. D. L.

Ita maximè Cel
 sissim' PRIMAS
 Primusq; PRIN
 CEPS.

Cujus merita (ut
 de S. Cypriano
 Ecclesia) Sole
 clariora sunt.

Ejus tamen modestia 2bus annis
Sede vacante summis Fascibus ob-
luctata est.

CELSO. PRIN-
CEPS saepe ta-
te r: Senium
suum laboribus
temporumq; in-
jurijs exhaustum
solum amore Pa-
triae & Civium
magnis ac per-
petuis impulsib9
tantis objecisse
fatigijs.

*Tu tamē, (audit opum quæ Præses & arbi-
tra) Divam*

*Nolebas temni tristem, mæstamq; repelli.
Illa quidem Studiosa Tui, totiesq; repulsæ
Immemor acceptæ, sese Tibi sapius ultro
Obtulit, augustos iterumq;, iterūq; revisens
Postes, tam vigili Tibi sedulitate placendi
Anxia: nūc pedo cupiebat Principe, mūdum
Gesturas fulcire Manº, nunc suppare regnis
Romuleā mites humeros distingvere braccā
Nunc ut ab assiduo Caput hoc obtēderet æstu
Primatē Mitrā Tibi, Romanūq; Galerum
Tradebat Sponsi thalamum Sacriq; vocabat
Te sub cortinam Solij, tamen usq; volentem
Distinuisse Deam libuit, dum nosceret istos
Dono Fortunæ Te nolle prehendere fasces,
Sed Patriæ studio, sed Majestatis jussu,
Sed Libertatis, sed Religionis, & ipso
Civium amore, Boni publici ratione, Senatūs
Consilio, Patrum votis, formidine Regni
Lapsantis, superumq; fide, mundi q; rogatu
Et magni multā populi prece. Quippe mereri
Contentus quemcunq; frui splendoribus istis
Purpureoq; sibi fastu placuisse sinebas,
Testo*

*Testatus Te malle Sacri fulgoribus ostri
Vinci, quam meritis. Soli Tibi scilicet uni
Vnus honos labor est, solus Tibi gloria, census.*

Ego quo ma
fucro hoc ma
laborabo: aje
Marcus Anto
Imp.

III.

*Et Gentis Suæ Celsissimæ, &
maximè suis in Fastigio Loca-
tus Meritis.*

*Scilicet: hac nasci quęcūq; ex Ordine lōgo
Contigerit de stirpe Virum, reptare per ipsa
Nonnisi Sarmatici discit fastigia Regni:
Nec jāquid quo ludat habet, nisi præmia belli
Clavas, vel gemmas Solij, vel sceptrapotentis
Astreæ, Fascesq; Patrum. Mavultq; tenell^o
Martia bellacis Puer illico jugera Campi
Quam molles calcare rosas. Apparet ab ævi
Limine, quē sperare Virū Respublica possit,
Et tenero natura statim se prodit ab ungui,
Et Numa qui templis crescet, qui Iuli^o armis
Aspectā jam frōte patet. Pulchræq; per ipsas
Erumpunt venas generosi sanguinis iræ,
Atq; sub exiguis sese movet artubus ingens
Dux belli, nov^o orbis Athlas, qui præside pacē*

Tales Genios bel
li Martisq; Pul
los, vel nunc i
Juvenibus PO
LOCHIS: NI
COLAO Palati
nida Belzen. Ca
pitaneo Czorko
vica. JOACHI
MO Illustrissim
Referendarij Re
gni Filio Capit
Lucom. videre
est.

Quam bene in
 tota Polonia Do-
 m^o POTOC-
 CIANA: Domus
 naturā militaris
 & facundissima
 Heroū altrix no-
 minatur creber-
 rimē! siquidē ip-
 sos Duces merito
 ad mundi admi-
 rationem nume-
 rat per victori-
 as: Tredecem: I.
 BERNARDUS
 POT. fortissim⁹
 Dux qui ad Vi-
 sniowiciā 25000
 Tartarorum necē
 dedit: 16000. au-
 tem captivorum
 recepit. II. A-
 DALBERT⁹ ad
 80. annū Bella-
 tor & Dux Scy-
 thicis, Russicis
 Valachicis Tur-
 cicis ornare lau-
 reis. III. NICO-
 LAUS Pro-Can-
 cel. Reg. Gene-
 ralis Podoliz SI-
 GISMUN. AV-
 GVSTO teſtate:
 plurima egregiā a-
 nimi ac fortitudi-
 nis documenta in-
 tuendis Regni fi-
 nibus edidit Dux
 eximius. Qui ex
 Czermineſcia qua-
 tuor ſequentes
 Duces genuit:
 IV. JOANNES
 POTOC! Palat.
 Braclav. Gene-
 ral. Pod. Multan.
 Coſacorum Moſ-
 chor. Ducalibus

Tutabit trabeā, qui castra Ducalibus olim
 Diriget imperijs, & Marte tuebitur Aras,
 Et titulis æquabit Avos, iterumq; Paternā
 Ornabit decies gestatis fascibus Aulam.

Hæc est Conditio magni nativa Pilavæ
 (Quē licet hic sæclis prope jã metimur ab octo
 Quo per hyperboreum fudit se primit^o Orbē
 Tempore Relligio & Fidei fidissima semper
 Numina Potoccij venerunt passib⁹ isdem
 Cum veniente DEO Victore, Clenodia nacti
 Ad Gētis ceras Ipsi communia Christo)
 Hoc dec^o Augusti Generis, quod nō sit ab ævo
 Quem nō à propria possis memorare curuli,
 A magni titulo meriti, Virtutis ab actu
 Eximio, partisq; aliquo super hoste trophæis.
 Scilicet Istius reserans archivaria Gentis,
 Quiquis es, attonitus tantis splendoribus, ipso
 Subsistes in Honore Ducum! Gestamina belli
 Invenies bisſena super! Neq; pristina vidit
 Talē Roma Domū! quæ tã (velut unic^o heres)
 Iugiter Herculei caperet gestamē Honoris.
 Hoc propriū Vestræ Genesi! nulliq; secundum
 Elogium! hæc prima est! verèq; Potoccia

Laus est.

Si

*Si quot Potocij fuerint nesciveris, ipsæ
 Ad cēsum veniant Clavæ, Belliq; labores
 Difficilis, vel certa Sacræ Victoria pugna:
 Non nisi de medijs volventur Nomina lauris
 Exhibuntq; mero nisi tinctæ Murice voces
 Et Fasces pars vocis erūt. Nexosq; trophæis
 Duntaxat dabim⁹ titulos: Hic Gothic⁹, Alter
 Bystonius Domitor, scythic⁹ dicetur Hic, Ille
 Rosfiacus Victor, Victor Borussius Iste,
 Dacicus Iste: alijs cæsus vocabula Panno,
 Bessarabesq; alijs; scribingq; Borystbene toto
 Zaprohij servile genus; quondamq; timendi
 Theuthones, humanoq; famem qui corpore
 passus*

*Samojeda, vel hi quos anni parte latentes
 Perpetuæ texere nives: & quidquid in oris
 Est Lechico messum ferro propiorib⁹, aut quæ
 Balthis, aut Lechiâ cingēs mare littore trino
 Monstra in nos effudit, & hæc Heroib⁹ Istis
 Ad numerū veniēt serum māsura per ævum
 Et titulos auctura Ducum; tantiq; Senat⁹
 Tātorumq; Virū memores facturæ Nepotes,
 Quid Patriæ fecere suæ. Nihilominus istis
 Laudibus, ac censis multâ Virtute trophæis*

D

Et

auspicijs Victor.
 V. ANDREAS
 POTOCCastel.
 Camenec. Semi-
 anū Palat. Mol-
 daviæ firmavit,
 Turcas in Bessa-
 rabia olademag-
 gnâ delevit Roko-
 si nū tumultu ad
 Guzov sopivit VI
 JACOB. Palat.
 Bracl. General.
 Podol. Dux contra
 Michaelē in
 Dacia, Carolum
 Svecū in Livon.
 varios Tyrannos
 in Moscho. VII
 STEPH. Palat.
 Braclav. Avus.
 Celsif. PRIMAT.
 Dux invict. per-
 petuus Dacorū.
 Turcarū Triūpha-
 tor. VIII. STA-
 NISLA⁹ Palat.
 Podoliz in bellis
 Moldavicis Tur-
 cicis Russ. semp.
 felix Imperator.
 IX. Illuf. NI-
 COLA⁹ Palat.
 Braclav. Campi.
 Dux exercitū
 Regni ejusdem
 palmas fortuna-
 te continuavit.
 X. NICOL. Pa-
 lat. Cracovien.
 Supremus Dux
 exercitū Reg.
 in maximis tunc
 Reip. periculis
 assertor & vin-
 dex. XI. STA-
 NISL. POTOCC.
 Palat. Cracov.
 Supr. Dux E-
 xerc. Reg. intra
 ipsam de 100000
 Russorū Kozako-
 rū victoriam de-
 mortuus. XII.
 NICOL. POT.
 Castel. Cracov.
 Princeps Senat⁹
 Supremus Dux
 Exerc. Reg. Cu-
 jus trophea in
 recensissimā sūt

memoria. XII.
Felix POTOĆ.
Palat. Cracovien.
Dux Camp. E-
xerc. facundissi-
mus Ducū Hero-
ūq; Parens XIII
ANDRĒAS
POTOCKI Ca.
stellan⁹ Cracov.
Dux Exerc. Cā-
pestris qui &
Regens Poloniæ
ut supra attaqu.

*Et placidis Patrū trabeis nō nitere Princeps
Maxime, nec Generis dono, nec origine lucis
Purpureæ, tantæ radiū cū Principe Mytra
Majestatis habes: nihil hic Suffragiā magni
Zysli, nil hic mille Ducum depicta triumphis
Atria, sola Tibi grad⁹ est ad maxima Virtus!
Ipse Tui pretio meriti securus is Hæres
Nec famæ procedis ad hæc fastigia passu,
Quā Tritavi magno tibi trās scripsere Nepoti
Nec mortalis Avus. Mavis Dux Optime
post Te*

*Tradere vêturis, quā his quæ sūt tradita niti
Vtq; Tuis alijs meritis ad summa vocentur,
Quam nifus meritis alienis Ipse voceris,*

IV.

*Quantum & Europa Consan-
gvinea, Majestates Innexæ,
Purpuræq; Orbis Lechici col-
ligatæ Virtuti Celsissimi
suffragantur.*

Ostenditur: Vir-
tutem ipsam eti-
am superare re-
gnorum præmia,
majus tamen ad-
huc habere pon-
dus tum Sangvi-
nis prærogativa.

*Sola quidē pretio Regnorū major, & ipsis
Se Virtus animosa thronis sublimiūs effert.
Ipsa*

*Ipsa suâ cydari cydares transcendit, & altis
Altior Imperijs assurgit, & omnia mundi
Infra se despecta procul fastigia ponit.*

*Cui simul aggestæ quot habentur in Orbe
Coronæ,*

*Quippe trochi viles: siccæq; videntur aristæ,
Sceptrorum collata seges. Neq; Muricis usu
Nec titulis, nec opū cēsu, nec honore, nec ullâ
Pensari mercede potest. Par hæten⁹ omnis
Nil Regum cui gaza tulit. Cui sæpius ultro
Dat fasces Fortuna, nec hæc quâdoq; vel ipso
Dignatur vultu Virtus Hera. Scilicet hæres
Splendoris securæ sui, nec egenæ favoris,
Tuta suo, proprioq; potens. Et Curia supplex
Oblatis etiam quam sæpe securibus ultro
Quæsit, & magnis dare jura Quiritib⁹, imo
Dum nihil evaluit precibus regnare coegit.
Atq; adeo de Cive probo nihil attinet, utrum
Purpureis illum Cybele gestaverit ulnis,
Ambrosias olim Junonis an ille papillas
Suxerit? utcunq; est, Probitas facit ipsa
probatos;*

*Et quos ista quidem solijs admoverit, illos
Expedijt regnare; licet neq; regia mollem*

Domus Cōsanguineæ & Colligatæ. Celsissimo. Cuius Parens PAULUS Castel. Camene: census genitus est ex Maria Mohylenide Mutiorum Romanor. & Paleologor. Orientis Imp. deniq; Batoreorum Nepte; Filia vero Jeremiæ Mohylæ Palatini Moldaviæ: quæ series Prosapiarum nominatarum ostenditur. Cardinalis Santa-Crucius & Nuncius Apostol. in Polon. cum esset Hospes in Curia Annæ Mohylenidis (quæ etiā Palatini Moldaviæ dicti Filia) tunc Consortis Janusij Czarnkovij Comitissæ in Silesia &c. retulit quod Mutij Romani qui in Græciam bellando devenerat posteritas in Transylvania, Dacia, & Moldavia confederit: aucta opibus ac Provincijs à Paleologis Græcis Imp. & eorundem etiam affinitatibus crebro innexa. Et Mutianæ quidem Gentis veram esse Propaginem Mohylas: ac pro Mutiorum quidē duob⁹ Clavis Herculeis, mutatione armorum factā. uti, duob⁹ gladijs decussatim positis. Quod ipsum & Romana Familia in tesseriis suis gentil. affirmat. Mohyla vero unus ē Posteris Mutij dict⁹ est à congestis hostiū cadaveribus. Paleologum autem sanguinē ita proxime attingunt: JOANNES MUTI⁹ Mohyla (Pa-

ter Hieremiæ) insigni. Bellator
Familia Hannia.
dum in Pannonia
suis armis ac Ope
plurimum profu-
erat, qua promo-
vente accepit Co-
jugē, Filiam De-
spotæ Servia (Ser-
via Valachia vi-
cinis.) & cum ea
Paleologici San-
gvinis Florem.
Constantinū enim
Paleolog. ultimū
Orientis CHRIS-
TIANI Imper.
causam reliquit du-
os Fratres DE-
METRIUM &
THOMAM, Pa-
leologos, Sorores
etiam duas Hele-
nam & Sophiam
Paleologas: qua-
rum Sophia nup-
sit IOANNI Mo-
schovia Duci: He-
lena vero Pale-
ologa LAZARO
Despotæ Servia
iuncta est. Helenæ
Nepis nupit IO-
ANNI memorato
Patri toris dicti
Hieremiæ. qui &
Ipse Batoreorum
sibi Regiam Fami-
liam in necessitu-
dinem traxit per-
Conjugē suam Eli-
sabetham Ciama-
tham Transylva-
nam ē Dynastis
Heroidem Batho-
riana stirpis ra-
num. ut pote quā
Bathorea Princeps
Filia IOACHIMI
Brandenburgici E-
lectoris genuit. Ex
qua Elizab. illam
Mariam Mohyle-
nidem Celsissimi
Aviam aliosq; Fi-
lios & Filias susce-
pit: quas in vim
gratiani Duci-
bus Polonis Co-
pulavit: Reginam
Mohylenidē MI-
CHAELI Duci
Visniowiecio (cu-
jus Filius Hiere-
mias Wisniowiec.
Pater MICHAEL

*Præbuerit Lucina thorum, nèq; Purpura
Cunas*

*Induerit, tenerosq; Tyro perfuderit artus,
Aurea nec multis sinuet se flexibus arbos.
Attamē, ecquis enim neget hoc nisi rupe pro-
Memnoniā, rationis egēs, crassoq; boote (fusus
Crassior! ad magni si pondus sanguinis, altas
Ad ceras etiam sua det Suffragia Virtus,
Iam nulli melius licuit procedere summos
Ad Fasces, nec laude cui quoquomodo niti
Nobiliore datū est. Quosdam solius avitas
Destinat ad Trabeas nisi splendor originis, atq;
Purpurei procerum nexus, his trames eundi
Infimus, & gradibus nimiū vulgarib; itur.
Sunt quibus ipsius Virtutis opinio, moris
Intacti Probitas, Patriæq; per omne fidelis
Integritas Animi, nulliq; obnoxia nævo
Vita, vel ignotis meritos festinat honores;
Æquius ut nihil est, sic nec quid pulchri ista
Quærendi methodo fasces, ita summa merēdi
Deniq; sunt quib; hæc nec origo dat ipsa nec
ipsa*

*Virtus; ast utriusq; simul suffragia profunt.
Et sanguis Virtute suas, & sanguine Virtus
Nobi*

*Nobilitat partes; Tales vel maxima nunquā
Erubuit Fortuna, nec est Hominesq; Deosq;
Inter, Majestas sese cui dignius unquam
Obtulit, aut summos commisit Curia Fasces.
Vnde licet Latium commendet Regula Vātē
Quam statuit: Virtute decet non San-
gvine niti:*

*Hoc tamē est meli^{or} placitū me teste Quirites:
Pulchrius est Virtute simul cum San-
gvine niti.*

*Quā titulis utriusq; vales Celsissime Patrū
Namq; ut Divinae sileam Virtutis Honores,
Arcanamq; magis tacitus mirator adorem:
Quanta Tibi venit hinc Dux Inclyte Nomi-
nis auge,*

*Et quædā ad summos innata Potētia fasces
Quod tātos sis nactus Avos! & origine iustres
Priscos Auroræ thalamos Paleologa Sacrū
Ex Mohyleniadis miscet cui vena Cruorem.
Et (siquidē præsaga Lechis satis omine noto
Fata canūt: nostros ea regna manere nepotes
Venturam excidio Lybiæ Lechiam, Gra-
jumq; Tyrannos*

Pulsurā de sede Patrū Dux magne Tuorū)

E

No-

LIS Regis Polo-
nie) alias: Ko-
reccio, Myfzko-
vio - Przerebfcio
&c STEPHANO
vero POTOCKI
predi Gam Mizi-
am. Cujus Fratres
CONSTANT. &
ALEX. Mohyla
fuere post Palati-
ni Moldavia: Pa-
trui autem ejus-
dem Mohyla:
GEORGI9 fuit
Archi-Epife ter-
rarum Moldavia:
Semian. Suprem.
Exerc. Dux Mol.
post Pal. Bessarb.
At Patruales Ma-
ria Micha. & Ga-
br. Palatini fuere
Multā. Petro Ar-
chiep. Ruth. Ioā.
Dux. Moyf. Pala.
Molda. &c. Ex
hac tantā Stirpis
ultima Mohyle-
nide STEPHA-
NUS præter alios
suscepit Illustrif.
PAULUM PO-
TOC. Castell. Ca-
menecen. Filium
vero primam Ca-
tharinā dedit Ia-
nullio Radivilio
Succam. M.D. L.
cujus Filia in Bran-
deb. dein Neobu-
Domū ijt. fide Au-
striaca Casarum
Familia ex eadem
Neoburgica Do-
mo procedentiū
ceros POTOCI:
ANAS auxit. Al-
teram Filiam ex
Paleologica Mo-
hyleneide susceptā
Annam Stepha-
nus primo voto
Copulavit Caza-
novio Palat. Bra-
clav. ex quo Fili-
am tradidit Ia-
bſonovio Castell.
Cracov. ex qua
Castell. susceptas
Filias unam Kra-
finscio Palatino
Ploc. alterā Le-
fczynio Thesau-
Regni. Parenti
STANISL. Co-
pulavit. II. Vo-
to ANNA nupfit
Bogusl. Sſufczcz

Thesaur. M. D.
 Lit. ex quo Tho-
 ro præter Ducem,
 Palatinū, & Ca-
 ssel. Vilnen. Fi-
 lios, nata est Con-
 stantia Stuszcza-
 ka polica Uxor
 Vladisl. Donhoff
 Pomeraniae Pala-
 tina, & Mater
 superstitis Illustris.
 Palat. Poloc. Duc.
 Camp. M. D. L.
 Stanisl. DON-
 HOFF STEPHA-
 NI Fil. zdg PAU-
 L9 Castel. Came-
 necen. qui Divi-
 nae Providentiae
 prodigio, in Ca-
 ptivitate existens
 duxit Confortem
 magnam Impera-
 toris Russ. Nep-
 tem Soltykownā.
 Cuj9 Amita Con-
 junx fuit IOAN.
 Moscoviae Cza-
 ry Fratris moder-
 ni Petri. Ex qua
 IOAN. Imp. Fi-
 iz una Duci Cur-
 land. altera Duci
 Meckembur. ce-
 flere. Domi
 vero POTOC-
 ANARVM stir-
 pium recentior
 Colligatio talis
 Stirps ANDREÆ
 Cast. Cracov. Cā-
 pi Ducis Exerc.
 a quo proveniūt
 STANISL. Ca-
 pitaneus Halici-
 ensis, qui juve-
 nis occubuit in
 acie sub Vienna.
 IOSEPH. moder-
 nus Palat. Kijov-
 vien. ejus Uxor
 Leszczynia Soror
 STANISL. Filia
 fuit ANDREÆ
 CATHARINA,
 quæ nupsit LU-
 DOV. Wielo-
 polscio Pincernæ
 Reg. Capit. Cra-
 cov. Stirps FELI-
 CIS Palat. dein
 Cracov. Cast. Duc.
 magni Exerc. qui
 in Uxorē habuit
 Christinā Lubo-

Non alijs sane propior Successio Sceptri
 Esset quā Vobis augusta Propago Potoccij!
 Quos Paleologica Series innexuit Aula,
 Casareoq; sacer Sanguis de Fonte liquatus
 Et Roseis guttis in venas deplus istas
 In raptas Orientis Opes succedere jussit.
 Hoc jus ex Avia in Fasces Tibi servit Eoos!
 Cū qua Romuleas etiam stirps Mutia ceras,
 Et primas Europa Domos, florēq; Cruoris
 Affundūt tot regna Tui splendoribus Ortūs.
 Altera Rosfiacos sociavit Origo triumphos
 Totq; Duces Augusta Tibi Lucina coegit,
 Et summi tot sceptrā throni communia fecit.
 Purpuream siquidē Genitor Dux Maxime
 Matrem

Hac ex stirpe Tibi delegit, Caesaras alto
 Sāgvine quæ tetigit, Dominas quæ Gētib⁹ illis
 Imperijq; dedit socias, Regesq; Ducesq;
 Ac Europæos latē complexa Dynastas
 Fæderibus Sacriq; thori Concurfib⁹. Extra
 Sarmatiæ fines si tantus es inclyte Princeps!
 Esse Domi quantus debes! extendis in omnes
 Hic Majestatē Geneses, solijsq; propinquum
 Syd⁹ es, & quidquid trabeis titulisq; sub istā
 Iull.

*Illustre ætatem Lechius septemtrio vidit,
Potociâ totum serie complecteris. Inde
Quanta Tibi Princeps lux surgit! & à tot
Avis*

*Muricibus quantû cerarum proficit auges!
Sed major vis laudis in hoc quod & Ipse re-
centes*

*Addideris Trabeis Trabeas: sinis ergo jacere
Laurigeros Manes, positosq; quiescere fasces,
Cui licuit propriæ toties insignibus Aulae,
Et Generis splendore, sed & Virtute paratis
Inniti, nec Avis è fronte refigere gemmas,
Nec veteri Tyrias è bysso sugere guttas,
Aut Consanguineæ radios accersere lucis.*

MAS. 2. ALEXAN. Palat. Smolensc. ejus Uxor Tarlovia. ex quo Superest Filius Capit. Szczerzen. ejus
Confers Morztinia Palat. Livonia moderni Filia. 3. Ill. PETR. Palat. Czerniech. Uxor ejus CHO-
DOROSCIA: ex quo sunt tantum Filii: quarum ELEONORA. elocata Ill. SZANIAWSCIO Cap. So-
chacz. 4. Ill. STEPHAN. Referendarius Regni, modernus Comit. Reg. Mareschalcus: Uxor
ejus KACCIA Castellana Cracov. Filius IOACHIM. Cap. Luch. 5. MICHAEL Sub-Dapifer M. D.
L. ejus Uxor Unichovia de Danajis Palatinis Trocenis. 6. IACOB. Cap. Czerinen. ejus Uxor Bie-
linia &c. Sorores Celsif. PRIM. ANNA primo voto nupsit Rzewascio Theaur. Cur. Reg. 2do voto GA-
SPARO Kuniceio: ELIZABETH SOBIESCIO Vexillif. Halic. Patruelis vero Celsif. THEODORI
STEPHAN. Palat. Belz. genitus est ex Cetnerowna. Uxor ima Sapieža-ka: moderna Ill. SIE-
NIAVIA DUCIS Exerc. Soror Filius NICOL. Cap. Czortkov. Quo ad recentissimas Colligatio-
nes: Illust. STANISLAUS Capit. Halic. qui hoc anno fuit Maresch. Commissionis Radomien. Filius
Palat. moderni Kijovien. habet Uxorem Łatyczoviam Palatinidem Belz. natam ex Modrzejowska.
Filijs Illust. Notarij Reg. FELICIAN. Capit. Krasnostavien. accepit Danjelovicciam Capitaneidem
Parkovien. Sororem Zasficia Capitaneæ Lublin. FRANCISC. Cap. Sokallen accepit Braniceiam Pa-
latinidem Podlachiz. Sunt adhuc Heroides POTOCCIE: illa SZCZUCZYNA Pro-Cancellaria: &
illam PUZYNNIA Notaria M. D. L. quæ à THEODORO Succamerario Halic. Andreâ Castell. Ca.
menecen. dicti NICOLAI Pro-Cancel. Filio lineam ducunt. Marianna TARLOVIA Palat. Lublin.
Filia Felicis Castell. Crac. Ursuli PRZEBENDOWSKA Palatina Marienburg. Filia Referend. Reg.
Sophia Kosakowska Castellana Podlachiz Filia Palat. Kijov. Ioanna Wielohurska Castellana Wofhy-
nien. Ioanna IABLONOWSKA Capitaneæ Biafacerkw. Filia Cap. Tsumacen. Quantus in POTOK
Purpurarum Oceanus! sed enim: Typhis & impavidus tanto net in æquore Iason! tam vasto det vela
Mari! quot fluctibus omnem alluit Europam Rofeis, cui nulla Carnalis, Regalis cui nullus Apex imper-
vius Aulae, nec jam sit quod tingat Ebur! seseq; per ipsa exonerat Solia! &c.

mirska Filiam
GEORG. Archo-
nici. Sororē mo-
derni Succamera-
rij & aliorum Lu-
bomirsciorū. Filijs
Illig MICHAEL
Notarij Reg. U-
xor illig Czárne-
cia ultima fuit
sue Stirpis. II.
MICHAEL Ex-
cubitor Reg. U-
xor ejus Cetne-
rowna ex qua Su-
perest ill. FRAN-
CISC. Filijs mo-
do Legat. Cap. pit.
Beszen. III. Fi-
lius STANISL.
Excub. M. D. L.
qui habuit Con-
sortem Rzewuf-
cianam Cam. Duc-
cis Filiam. IV.
GEORG. Capit.
Tsumaccensis U-
xor ejus Pad-
bereska Filijs
orum EUSTA-
CHIUS. Ambo
isti ANDREAS
& FELICIAN.
Patrem habuerūt
STANISL. Duc-
cem Exerc. Palat.
Cracov. dictum
Revera. Patrum
vero NICOL.
Castell. Cracov.
Avum IACOB.
Palat. Braclav.
Atavum NICOL.
Pro-Cancel. Reg.
Ante-Atav. MA-
THIAM Marf.
Curiz & Forma-
torē Augusti. Su-
pra hunc BER-
NARD. Insignem
Polemarchū. An-
te hunc IOAN-
Pincernam Reg.
Hungar. &c. &c.
Ex eadem Linea
eodēq; Avo NI-
COL. Pro-Canc.
natus vero ex
STEPH. Palat.
Brac. PAULUS
Castell. Camen.
sequitur cum sua
Stirpe: à quo ve-
nit ex dicta Sofi-
kowna Celsif. PRI-

V.

Summa Poloniæ Felicitate PRIMAS & VICE REX.

*Auspicijs placidum sese melioribus ævum
Explicat, Imperio siquidē Gens Illa Sacrorū
Præficitur, Sacti Latij quæ Sanguine multo
Defendit Titulos, & Relligionis Honorem
Asseruit mucrone; Deos placare Sabæi
Nō thuris, sed nube nitri nisi sveta, nec auro
Sed ferro potius proprium libare cruorem:
Atq; Cruci (cui tot sacravit bella) litare
Vel se, vel cæsos gavisa frequentius hostes.
Iam nūc Sanguineis aliquid mitescit ab iris
Potocij Genius Mavortis, & aspera mittit,
Et probat: an possit non formidabilis esse?
Vnde (licet nisi castra tamē prope spiret & i-
Tātisper positis Paci se fæderat armis, gnes)
Ac Trabeā Mars ipse gerit; seseq; minaci
Exuit irarū facie, neq; mitib; Aris (per octo
Totus abhorret; & hac quā strinxerat arma
Sæcula, trāquilli capit Instrumēta Laboris
Ipse manu; Bellig; stylo tantisper omisso,
Blanditijs mulcere Deos, superisq; videri
Lenis*

Pro Religionis de-
fensione. Potocij
facti POTOC I
STEPHAN9 Ni-
colai Ducis Exer-
Filij à Scalsma-
eis: DOMINIC9
Curia Reg. The-
sau ar.9 STANI
SL99 Cap Hanc.
à viacnuetanis
coch. Pater verò
Cellsmi; & Patru
us NICOLAUS
Castell. Crac. car
ceres perpesti. Ut
& omnes POTO-
CCII Duces tot
pro Crucis Gloria
exanthlatis fatigi-
js celebres.

*Lenis amat, Sanctæq; sibi fastigia Mytræ
Ponit in assuetū chalybi caput, inq; lacertos
Pallia cælestes violas imitantia sumit
Pro Latij thorace sagi. Cui Sacra Ducales
Tænia permutat lauros, neq; sanguine ferrū
Impiæ Odrysiæ, vapidâ sed perpluit urnam
Thure, quod in media purus liquet ignis
acerra,*

Quinquâ jâ & pa-
cifici Propagato-
ris Ecclesiæ Romæ
runt sub Intulis
POTOCII: IA
COBUS Episcop
Piscensis BER-
NARDus Abbas
Andreevian. IA.
COB9 Provincia-
lis: Relig. Prædi-
catorū Vir Sanctus
Infusæ Ch. Imen-
sis Nominat9 ma-
jorum Candidat9
quas dum in ode.
stia nō potuit,
morte vix effugit.

*Byssoniâ neq; voce truci modo fulminat Aulâ
Bessarabumq; acies quatit, ac cælestia vatū
Carmina selectas Divis distingvit in horas,
Atq; loqui placidis assuescit mollius Aris
Ista Domus (Martis Domus) ex qua quæ-
libet ætas*

Nullum ab aliquot
seculis in Polonia
Bellum, aut Victo-
ria, cui Potocij
vel non præfue-
rint, vel non in-
terfuerint.

*Invidios est nata Duces, Castrisq; severa
Imperia, & Regi, Libertatiq; Salutem,
Adversis cladē populis, Lechiæq; triumphos
Dixit: nūc Lechicis Præses fidissima Sacris
Deligitur roseoq; Patrum regnare rogatur
Concilio; quâcunq; suis Septētrio Divis
Tibis dat, & in populis fumât affinib⁹ Aræ.
Sic illibatâ Trabeat⁹ Hierarcha per Arctō
Ius plenum fascesq; capit Potocci⁹ Ingens!
Hic ut Religio, Pietas, & dulcis aviti*

F

Simp

Observat⁹ est Se-
reniss. Rex die ac-
cepti à Celsissimo
Pallij in hanc sen-
tentiam dixisse :
Optavi Reveren-
diss. in Christo Pa-
ter ut in Ejo Per-
sona, Religio &
Patria Fulcrum:
Familia Decus: E-
go curarum leva-
men habeam &c.

*Simplicitas moris, nec tincti sanguine ritus
Priscaq; Tarpeij maneat reverētia Sceptri.
Atq; hic Romuleū succollet Mytra Triregnū
Et Trinā Pilava Crucē prope-Trin⁹ Et I-
Principe! præsidio tali! lapsurus egebat (sto
Orbis! hyperboreo quā latē subjacet axi:
Regna, vel in media nondum secura quiete
Et belli tacitas in pace soventia flammās;
Et quibus, ipsa magis prope Pax est noxia
bellis.*

*O adsis Sacre Rex! curāq; ex parte labātis
Religionis habe! venturis prospice rebus!
Fac! sit majestas secura, sit integra nobis
Libertas, sit tuta salus!*

VI.

Gratitudo Celsissimi PRIMARI- TIS in Patriam.

*Trāquillū si quādo vacat subducere crebris
Imperij curis Animum, (nam tota quieti
Quæ cedat propriæ rara est Regnātib⁹ hora)
Hæc Tecum pensare soles: Celsissime Patrū.
Quod jã quā magnis cumulavit Patria dōis
Meq;*

*Meq; meâq; Domũ! pulchrũ ẽ tot sæcula vol
Ac sēper trabeas uno quasi stamine duci; (vi,
Vixq; diu gestas posuit manus una Secures,
Alterius supplere manu. Nisi passibus itur
Purpureis. Regũq; thronis accũbere sceptrâ
Metiri propius Majestatesq; propinquas
Affari toties, quoties; & Regibus uti
Dum placet, & solijs niti mirabile non est.
Armatus Fasces, Belli gestamina Clavas,
Et Regni Baculos, & Gemmæ munia magnæ
Vidtrices quoq; Campi Aquilas, & fulmina*

Palatinos, Castel-
lanos; Senatores
Regni, Principes
les Statũs Mini-
stros, Curia Ma-
gnos Officiales,
Legatos Polonis
ad exteras Maje-
states, Imperato-
res Exercituum,
ultra centum quĩ
quaginta POTOC
CIOStot a sæcu-
lis Resp. habuit.
Archivũ Domest.
numeravit.

*Barbariæ bifidos Enses, & divitis urnam
Imperiũ Gazæ, geminâq; negotia Gentis
Areopagiticâ Themidis trutinanda Bilâce
Et si quæ Regnator Honos partitur in omnes
Dona, Patres gessere mei. Quos cēsuit inter
(Ecquid en. invidiæ est) magnos Resp. Cives.
Quæq; olim nō sint adjecta decoribus istis,
Nulla Palatinis radiant subsellia Ceris,
Nec superest, quæ non superata curulis. Hic,
Illum*

*Excipit, & serus nitet isdem fascibus Hæres.
Ac ipsis pretium titulis prior usus ademit,*

*Nec jam quid novitatis habent. Qui talia
voluit,
(Quæ memori servanda sinu, quæ Civib⁹ esset
Incidenda in cor adamante perennius ipso,
Digna quidē recoli grati dulcedine sensus.)
In nutrimentum fastus, is dona profano
Ingratus Patriæ civis corrumpit abusu. (ti
Me tam magna Patrū meditatū præmia tan
Accepti mens grata monet: quid debeo regni
Fortunæ Paci publicæ Patriæq; Saluti,
Hos Atavos, hos nact⁹ Avos! tot tradidit illis
Patria! tot Reges! tot Amici munera Cives!
Si quantū mihi cara potest Resp. fecit
In Patribus, toties, & me trabeavit in illis
Ejus Ego nullis parcendo laboribus omnes
Quam teneor Leges Libertatesq; tueri!*

VII.

**Attributa VICE-REGIS
In Celsissimo.**

*Qui nisi subjectas tituli formidine gentes
Percellit magnisq; suum metitur Honorem
Fascibus, is neq; quid sit Honos? quid sceptrum
requirant
Dispe-*

Dispexit: Censore Tuo Celsissime sensu.

*Illa quidē proprie Tibi sūma curulis, & alt^o
Is verē consurgit Apex, cui nonnisi Virtus
Esse dedit grandem, sed non cui scilicet ipsa
Majestas à Plebe venit. Quid opinio? saepe
Mobilis in partes populi? (cui nonnihil auri
Dum species illusit, amat; cum deficit, odit.)
Si sua cui Bonitas Gemmā capitis, qui fasci-
bus ardet,*

(¶) Animus
latentia delin-
quia. Qui

*Non solido stipat dominas splendore secures,
Et magis Augusti maculat se Muricis usu,
Qui Patrum Minio, Tyriacq; superbit in uva
Cui sat ut ambitio molli nisi stertat in auro,
Sydonijs saturata rosis At si cui voto
Sunt Trabeæ, quales prisci gessere Quirites,
His non Purpureus tingendis sufficit humor,
Non Rosæ Conchilis aquæ. Quo quæris
in Ostro*

*Tarpeij fulsere Patres? Cui constitit ipsa
Accēsum Virtute Decus. Tuus ardet eadem
Murex Luce; nec est Dos in regnantib^o ulla,
Ipso Rege minor, quā nō transsuderit in Te
Purpura. nō nitet in Sacris nov^o Vnio sertis
Nec Virt^o latet in Cydari Regū unica, quæ nō*

G

Fixa

*Fixa Tuæ sit gemma Mytræ. Dominatib⁹ esse
Norma potes, Sol & solijs Idæaq; sceptris.
Gens equidē Lechiā nequit esse beator ulla,
Aut Ipsis regnata Dijs, quæ tot prope Reges,
Quot magnos parit Vna Viros: ut maxima
possit*

*Mirari nō sola suum modo Roma Senatum.
Se tamē augustā nunc Ipsa Polonia Matrē
Excessit, cum Te genuit Rex Sacre. Capaci
Mundi Fortunam posses gestare lacerto,
Quin & Romuleos cum Majestate Tyaras.*

VII.
**Sanctitas & Religio
CELSISSIMI.**

*Si cui tractādas Regni commisit habenas,
Divisit Fasces, & secum Iuppiter Illi
Ius sceptri commune dedit. Quicūq; præesse
Incipit, & Gentes nutu versare, fit Ipsi
Imperij Collega Deo. Si grande requiris
Arcanū regnare quid est? in Principe mūdo ē
Præsetare Deum. Rex est Dēi Regis Imago.
Hunc bene Tu Rex Sacre refers. Quem
Lechia Sanctum*

Numen

Numen, & addendum serò Latialib⁹ Aris,
Augustumq; omnis specimen Virtutis adorat;
Nam nemo Te quidquid agis divinius egit
Imperij Nove Numa Tui. Si Prisca vetustas
Prodigium Probitatis in hoc illustre videret
Principe; non canerent Anium, neq; templa
Quirinum,

Non biberent vapidis fumantia cadib⁹ exta
Põpiliij, Sanctiq; Ioves. Hunc quælibet olim
Eligeret sibi terra Deum. Sed pingvib⁹ illos
Infument accensa pyris Altaria Divos,
Te melior manet ara. Nec est cui digni⁹ uquã
Tarpejus se lunet Apex. Tu vindice Romam
Propugnare manu, domitãq; ciere triũphos
De styge non cessas Cruce formidat⁹ Avitã.
Hãc agis, ut tandem vesana licentia finem
Inveniat, castisq; Boni se Legibus ultrò
Subijciãt Cives, & avitum regnet Honestũ.
Exulet attactas raptor periurus ad Aras,
Quiq; Thorum rixis, odysq; incēderit Urbẽ,
Aut cui prona dedit venales Curia Fasces.
Sic Sanct⁹ Regni Iupiter, Regione profanos
Amoliris ab hac mores, sic tollis abusus!
Iusq; datum sceleri demis. Te Fulmine pallet

*Hæresis; & cētū Tibi vincta gemiscit ahenis
Post tergum nodis, cui spumeō illita tabo
Relligio Victrix premit ora; sed illa feroci
Se versans rabie liventia Corpora jactat,
Morsurosq; pedē jaculatur anhela cerastas,*

VIII.

*Præfuleæ, Principes, Prima-
tiales, olim in Culmēsi, Varmi-
ēsiq; hodie Archi-Episcopali
Curuli Dotes & Decora*

Sub Infula, po-
stica sub Princi-
pe Cidari, deniq;
sub Primatiali
Mytra Decora
Celsissimi, ut so-
lis radios, in pū-
do, spectare li-
ceat 1. Tempore
clamitossimo
cōmissa tibi oves
& Dizcese secu-
lissime custodi-
vit, tutatq; est.
2. Varniam pe-
ne integro for-
tunarum suarum
impendio multo-
ties ab injurijs
redemit. ut pro-
pe non senferit
cōmunia mala.
3. Pence Fortu-
nam Serenissimi,
semper immobi-
lis fuit, fide-
litate & constan-
tiā admirabili. 4.

*Si toties pulchro distinctos murice Fasces,
Atq; Ducū quōdā tot & Imperialib⁹ auctas
Luminibus Ceras non sortireris, & olim
Iam, tantis plenas tegeres spendorib⁹ aulas;
Ac quas gessisti toties Dux InclYTE Solus,
Nonnisi proferres Trabeas, nō unius Ostri
Discuteris fulgore diē; totamq; per Arcton
Purpureis fluere passim lux edita Braccis.
Nō tamē ad Fasces adjectis Fascib⁹, omnē
Ponis in hoc laudē, vel quod Successor ab Istis
Qui meruere venis, sed quod merearis &
Ipse; Ac*

mis

ci

at,

as,

a.

ni.

ali

8.

etas

las.

ri

on

ccis

nn

Isti

s &

lc

Ac majus pretiū Myræ splendorib⁹ addas.
 Scilicet ut Cydari vulgi transcendis honorē
 Sic ipsam supra cydarim Virtutis honore
 Assurgis: non inde Tuæ præconia Famæ
 Metiri solitus, quod magnis passibus itur
 In solium per stalla Patrum, tātūq³ sit uno
 Majestas abjūcta gradu: sed ubiq³ quod ingēs
 Præsuleæ Virtutis opus, Sacriq³ laboris
 Herculeū supra numerū documēta relinquas.
 Te Patriæ pacata fides, Te certa triumphi
 Relligio, positis Te castra vacantia pilis,
 Te Regis defensa salus, Reverentia sceptri
 Majestas Populi stipata fidelis amore,
 Te Legum tutela stetit. Te Patria Patrem,
 Pax Sydes Te mite colit. Tibi Roma reductis
 Pro tot ad obsequiū Tarpejæ millibus Aulæ,
 Pro raptis Erebo spolijs Tibi, totq³ trophæis
 Illatis cælo debet Deus Ipse Tot Aris,
 Tot templis à Te Divi, Divæq³ per Vrbes
 Excepti Pagosq³ Tuis quæ præmia Donis
 Restituēt, vinci impatiens quo Iuppiter imbre
 Augebit gazas! & adhuc pro senore sceptrā
 Insuper adjiciet forsan de Fatribus Vni
 (Nam regnare pares) vel eorum danda
 H Nepoti. At

Pro pace reducē-
 da in illa revo-
 lutione incredi-
 biles labores, vi-
 as, fatigia, subit,
 & cōsilijs effica-
 cib⁹ feliciter pro-
 movit. 5. Here-
 ricos Gelfissimus
 quā plurimos
 convertit, & ve-
 re Christiano Prī-
 cipe digna libe-
 ralitate Brunsber-
 ga in Varmia pro-
 12. Neocōversis
 fundacionem &
 arcem disciplinæ
 instituit 6. Tē-
 pla basilica ria,
 sacella exquisita
 aliquot, Conven-
 tum regio sēptu
 Spiritib⁹ RR.
 PP. S. Francisci
 de Observ. Au-
 gustam Residen-
 tiam cum sacel-
 lo RR. PP. Soc:
 J. Varlavie à ra-
 dice crexit, Livi-
 ciensē Schol: Pi-
 arum Fundatio-
 nē Prīncipe ma-
 nu insigniter au-
 xit. Guelphensem
 aliasq³ Archi &
 Diocēsanā Basi-
 licas argento do-
 nisq³ innumeris
 exornavit: ut sæ-
 pe vilicans, nū-
 quam ullam Ec-
 clesiā immune
 ratam reliquerit.
 7. Ejus Eleemo-
 sinæ in Monaste-
 ria, in Xenodo-
 chiā, in Nobiles
 lapsasq³ familias
 irrevocabiles ad
 calculum, pro
 quibus medietas
 pene it Proven-
 tum: at præfer-
 tim quod susten-
 tet quotidie tro-
 decim Pauperes,
 & annuatim ve-
 strat. 8. Palatia
 sex diruta pror-

us in Varmia
 Celsiss: reedifica-
 vit: quatuor ve-
 ro Magnificen-
 tissima Augusta-
 lia ib. dē crexit.
 Ut et Primatialis
 restauravit. 9.
 Aula Primatis
 Celsiss: hoc ha-
 bet semperq; ha-
 buit in Polonia
 predicamentum
 quod sit Schola
 virtutis omnisq;
 boni & ad summa
 parata promotio.
 10. In Diecesib;
 Pietatem, mores
 Probos studia (cū
 præcipue Theo-
 runij Theologi-
 am RR. PP. S.
 J. fundavit: 40000)
 promovit optim?
 Pastor. 11. Po-
 toccianam Do-
 mū primus præ-
 tot Ducibus &
 maxime sacra cy-
 dari exornavit.
 12. Deniq; videt
 Polonus orbisvel
 in his Comitij
 quantum pro Re-
 ligione, Rege,
 Rep: dies no-
 æsq; sua Cel-
 studo defudet,
 & totam molem
 Principibus hu-
 meris sustineat.

*At Te! (sic nobis spes certa!) videbimus inter
 Romuleos radiare Patres, tunc jã nec egente
 Sceptrorũ, Regũq; parẽ, Nihil ominis, aut hic
 Augurij res plana, brevi ventura, Quirinæ
 Non hodie jam nota Rotæ. Properate coronã
 Indigetes Votis faciles! Respublica poscit,
 Aspirant Cives, urget septemtrio, tendit
 Gnesna manº, cælo Pia fundit carmina Pubes
 Culma, Diæceses, & supplex Varmia lætũ hoc
 Expectat rumore diem, qui nempe dolorem
 Tẽperet, ablato sibi, quem Te Principe sentit;
 Quantus enim Dux magne, Tui dolor inde
 vel inde*

*Warmiadas succedit amor! Tibi sæpe relictũ
 Tædia suspirant gregis, ac absentis it ultro
 Fama per ora Virũm citroq; nec ullus amari
 Plus potuit, sic blanda Tibi, sic suavis in õnes
 Naturæ Bonitas, Largæq; Potentia dextræ
 X.*

Gemini Primates, unus Sena-
 tũs, alter Equestris Ordinis:
 Celsiss. THEODORUS: & Il-
 lustrissimº STEPHANUS:
 Augusti Fratres.

Vobis it geminis Lechicæ Reſtorib⁹ Aulæ
Ad nutus Fortuna! licet tantisper utramq;
In Partem ſe volvat adhuc ſuſpenſa; ſuâq;
Reſ ingens ſe mole libret: magniq; reſuſum
Imperij pelagus nondum ſe pacat, & undis
Emotis aſſurgit adhuc. Cui namq; Tridēti
Compoſitis deſidit aquis & fluctibus æquor
Illico? concuſſit tam lōga quod ante procella?
Tardē ſedatur Pontus, mirabere tardē
Sedari tot regna! diu malacia nanti
Expectanda rati ſepe eſt, dum Nereus omnis
Detumeat, placidoq; dies eſſulgeat Aſtro.
Grandia momento venere negotia nulli
Magna morā lētūq; volūt molimina curſum.
Cūcta diu ſolidāda, ferant ut firmitus ævum
Nulla ſtatim, ſtatura diu ſit machina. Semper
Difficiles ortus, mediumq;, modosq;, viaſq;
Si grādīs ſit Finis, habet. Sic omne quod altū,
Proſicit; & gradibus ſenſim creſcentib⁹ itur.
Expectare diu non eſt jactura Quirites,
Dū liceat quādoq; frui, quod vota tot optāt.
Quidqd id eſt placitū juxta cōmune, Poloni:
Tēpore reſ eget hæc: quæ ſi cito forte veniret
Sic Ingēs nō eſſet, ut eſt modo. Pluris haberi

*Expectata solent. Parviq̃, repente fletisse ,
 Indicium est operis. Quo se diuturnior inde
 Exerit arduitas, hoc major gloria facti
 Inde venit. Dulce est sperata venire. sed olim
 Dulci⁹ est, quæ jam prope desperata, reverti.
 Hoc habeat utinam vestro de munere gentes
 Potocij! hoc Superi Vobis Solisq̃, reseruent!
 Ut cum præsagus (sunt ad præsagia causæ)
 De non cessuro populus jam mussitat Actus,
 Fortunã revocetis adhuc, momẽtaq̃ Regni
 Præcipue triplicis purgetis origine damni
 Et nova depulsum pensent solatia tempus .
 Quod si fata secus statuere, nec ulla movendi
 In melius via sit, Vestros Resp. nixus ,
 Et Curas, & Opes, & tanta fatigia, semper
 Mẽte feret memori, totoq̃ refundet Erythro
 Sudores, gratiq̃ dabunt præconia Cives:
 Quãq̃ Tibi Princeps submissio certet, & õnes
 Ut supra Fortuna gradus Te sustulit, omnes
 Sic infra misit sublime modestia Culmen.
 Sic cunctis Acclinis Honos, sic Principis in Te
 Mutua Majestas, & ameni gratia vultus ,
 Quã (paucis ut quid placido de pectore dicã)
 Magn⁹ es & Princeps, & Civis amabilis
 ¶¶ Idem ! ¶¶*

In tanta Eminen-
 tia potissimum
 Submissio Celissi-
 mi, & Humanita-
 tas omnium in So-
 cios convertit, in-
 ter familiaria Es-
 jus Effata frequẽ-
 est: Apud me om-
 nibus semper
 est janua patens,
 Mensa parata,
 C O R APER-
 TVM.

